

Samostalna zastupnica - Elza Gaković

Sarajevo, 01.12.2025. godine

ZA:

Ministarstvo odgoja i obrazovanja Kantona Sarajevo

Vlada Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam.

Zastupničku inicijativu

Za dostavljanje podataka o uređenju oblasti korištenja digitalnih uređaja na nastavi u osnovnim i srednjim školama Kantona Sarajevo uz pisani stav Vijeća roditelja na nivou svake škole u Kantonu Sarajevo.

Obrazloženje

Polazeći od potrebe unapređenja kvaliteta obrazovanja, očuvanja radne discipline u učionicama, te zaštite mentalnog zdravlja djece i sve češćih poteškoća pri socijalizaciji, podnosim inicijativu za dostavljanje podataka o uređenju oblasti korištenja digitalnih uređaja na nastavi u osnovnim i srednjim školama Kantona Sarajevo uz pisani stav Vijeća roditelja na nivou svake škole u Kantonu Sarajevo.

1. Razlozi za pokretanje inicijative:

- U sve većem broju škola učitelji i stručne službe evidentiraju rastuće probleme koncentracije učenika, ometanje nastave i pad pažnje uzrokovan stalnom dostupnošću mobilnih telefona.
- Korištenje mobitela dovodi do smanjenja interakcije među učenicima, što utiče na socijalizaciju i razvoj komunikacijskih vještina.
- Primjećeni su i negativni utjecaji na mentalno zdravlje, uključujući anksioznost, digitalnu ovisnost i izloženost neprikladnim sadržajima.
- Brojne evropske zemlje već uvode slične zabrane radi unapređenja obrazovnog procesa i sigurnosti učenika.

Digitalni uređaji mogu biti doneseni u školu, ali moraju biti ugašeni i odloženi na predviđeno mjesto (npr. kutije u razredu, školski ormarići), sve do završetka nastave.

- Učenicima sa dokazanim zdravstvenim poteškoćama (npr. dijabetes, epilepsija, teškoće u komunikaciji, praćenje zdravstvenog stanja preko aplikacija) dozvoli se korištenje mobitela isključivo u svrhu zdravlja, uz prethodnu medicinsku dokumentaciju i odobrenje razrednika/stručne službe.

3. Učešće roditelja – obavezna anketa

Prije konačnog definiranja odluke, neophodno je provesti:

- Anketu Vijeća roditelja svih osnovnih i srednjih škola u Kantonu Sarajevo, u kojoj će roditelji dati mišljenje o predloženoj mjeri, modelu primjene i izuzecima.

Na osnovu rezultata ankete, Ministarstvo odgoja i obrazovanja KS bi donijelo konačan prijedlog odluke.

4. Očekivani efekti

- povećana pažnja i koncentracija na nastavi,
- poboljšana disciplina i efikasnost nastavnog procesa,
- smanjenje elektronskog nasilja i izlaganja neprikladnim sadržajima,
- jačanje socijalnih veza među učenicima,
- sigurnije i zdravije školsko okruženje.